
Марғилонда драма театри биноси фойдаланишга топширилди

Театр биносининг очилиши катта шодиёнага айланди.

Тадбирда вилоят ҳокими Ш. Ғаниев иштирок этди.

Ўзбекистон театр арбоблари уюшмаси раиси, Ўзбекистон халқ артисти Ё.Аҳмедов ва бошқалар мамлакатимизда миллий театр санъатини ривожлантириш, санъатимизнинг мумтоз анъаналарини асраб-авайлаш, янги сахна асарлари яратиш масалаларига қаратилаётган алоҳида эътибор юксак самаралар бераётганини таъкидлади.

Вилоятимизда ҳам театрлар фаолиятини такомиллаштириш, моддий-техник базасини мустаҳкамлаш борасида кенг кўламли ишлар амалга оширилмоқда. Кейинги уч йилда Фарғона шаҳрида Театр-концерт саройи, вилоят қўғирчоқ театри қурилди, вилоят рус драма театри ҳамда Қўқон шаҳар мусиқали драма театри бинолари реконструкция қилинди. "Мақом мактаби" ва "Аския мактаби" ташкил этилди.

Драма театри биноси санъат ихлосмандлари, театр фидойилари, кенг жамоатчилик учун ўзига хос тухфа бўлди. 200 ўринли томоша залида замонавий шароитлар яратилган.

Тадбирда вилоят мусиқали драма театри ва рус драма театри ижодкорлари спектакллардан парчалар намоиш этди.

М.СУЛАЙМОНОВ.

М. ҚОДИРОВ олган суратлар. (ЎЗА)

2018-04-10 11:50:28